



## **SIUMUT** Siulittaasoq

Ukiup naalernerani Siumut sinnerlugu qujavunga inuiaqatigiit ataatsimoorfigaluta aammalu taper-sensorluta sulinitsinni tunuluaqutaalluarnerannut.

Siumup inuiaqatigiit nunatsinni sumiikkaluartulluunniit nunaqarfinniippata, illoqarfinniippata, Tunumiippata, Avanersuarmiippata, Kujataaniippata imaluunniit Avannaaniippata tamarmik naligiimmik aammalu assigiimmik tunngaveqartumik sullippai. Sulinitsinni tunaartarput ersarip-poq, siunnerfippullu tassaavoq siunnerfik inuiaqatigiit kissaataat aammalu toqqissisimaffigisaat.

### **Sulinitsinni tunaartarisavut**

Siumut isumaqarpoq pingaaruteqarluinnartuusoq inuiaqatigiinni toqqissisimanerup uterteqqinnis-saa, innuttaasut tusaaneqarnerunissaat, isummat assigiinngiaartut ataatsimoorfinniarnissaat, inuin-naat naalackersueqataanerata ataqqineqarnissaat minnerungitsumillu tamat killilersorneqanngit-sumik oqaaseqarsinnaatitaanerata ataqqineqarluni sumi tamanit atuutsinneqarnissasoq.

Naalackersuinikkut aalajangernerit tamarluinnarmik nalilersuiffigisarpavut nunatsinnut inuinullu qanoq pitsanngoriaateqarsinnaatigisumik sunniuteqassanersut, tamannalu mianersortumik isuma-tusaartumillu atuutsittarparput isummernivut inuiaqatigiinnut annertuumik sunniuteqarlutillu atuutsinneqartussaasarmata. Inuiaqatigiit atugaat, oqaasissaat, isumaat, kivissinnaasaat inooqataaf-figisinnaasaallu aallaavigalugit sulinivugut tunaartaqarlutalu aallaavigisarpavut.

Tamanna anguniarlugu Siumut sulivoq. Siumut ullut tamaasa assoroorpoq nunatta inuilu ullut ta-maasa pitsaasumik tunngaveqartumik ingerlatsiffiunissaa sulissutigalugu. Siumut assoroorpoq nunatta inuilu pitsaasumik atugaqarnissaat pillugu, atukkat ilaqutariinnit aammalu kisermaanit inooqataaffigineqarsinnaasut aammalu inuiaqatigiinnut akuutitsiffiullutillu tunniussivissaqarfiusut. Tamanna angoqqajannigimmat taamaammat Siumut ukiumi nutaami suleriaqqinnissamat alloriar-nermini qitiutillugit ingerlatsiniarpoq.

### **Inuinnaat naalackersueqataanerat tamallu isummersoqataasinnaanerat**

Ukiup qaangiutilersup takutippaa nunarput inuilu tamat oqartussaaqataanerat aammalu inuinnaat naalackersueqataanerat pillugu annertuumik pisortatigoortumik malitsitsinissamat pi-sussaaffeqartoq. Oqaluttuarisaanitsinni inuinnaat aammalu soqutigisaqatigiit atsiortitsisaaneri aammalu akerliussutsimik takutitsisarnerit aatsaat taama akulikitsigisumik piusarneri takuavut misigalugillu. Tamassuma takutippaa pisortanit ingerlatsineq inuiaqatigiinnit toqqissisimaffigi-neqaranilu naammangisimaneqanngitsoq. Minnerunngitsumik takussutissaavoq naalackersuinikkut ingerlatsinerup inuiaqatigiit qulaatiinnarlugit ingerlatsinerannik oqariartuuteqarneq.

Pissutsit taamaattut Siumup inuiaqatigiinnut atugassatut isiginagillu taper-sunngilai. Siumumi isumaqarpugut naalackersuinikkut ingerlatsinitsinni pisussaaffipput nuimanerpaaq tassaasoq suliatsinni aallaavigiuassallugu allannguisoqassatillugulu allannguut aammalu atuutsilersitsineq pitsaanagerusup tungaanut alloriarnerusaqariaqartoq.

Ukioq manna naalackersuinikkut allannguiniarluni sulinerit aammalu amerlanerussuteqartunit atuutsilersinneqartut takutippaat nunatta inuinullu suliffissaaleqinerup qaffaariaateqarneranik kinguneqartut, aalisartut aalisarnermut inatsimmut akerliusut amerlanerit tusaaneqartutut misi-gisimannngitsut, akitsuutit inuiaqatigiinnit akilerneqartussat ilaqutariit akiliisinnaassusaannik ap-pariaateqartitsisussat. Aaliangernerit pinerini aammalu pinngitsiarnerini innuuttaasut Inatsisartut

ataatsimiittarfiata silataani aammalu Namminersorlutik Oqartussanut pisortatigoortumik innuttaasut atsiortaarlutik akerliunerannik takutitsisut apuussorneqartut imaanginnavissut ukioq manna misigivagut.

Soorlu kattuffinnit arlariinnit oqaatigineqartoq Namminersorlutik Oqartussaniit inuiaqatigiinnut oqaaqqissaarluti perorsaaniartutut pissusilersornerat aammalu innuttaasut tusaaneqartutut misigisimatinnagit iliuseqarneq inuinnaat naalakkersueqataanerannik aammalu isummersoqataasinnaanerannik malinnitsitsinngitsutut pissusilersorneq Siumut ernumanartutut aammalu akuersaanangilluinnartutut isigaa.

Innuttaasat tassaapput sullitavut, innuttaasut tamassaapput aalajangikkatta sunniutaanik kivitsisussat ingerlatsisussaallu, inuuttaasut tassaapput atugaasa pitsaanerulernissaannik siunertaqartumik naalakersuinikkut kifpartuunneqarlutillu ingerlatsiffiusussat.

### **Siumumi suliaqqinnissarput**

Siumut ukiumi nutaami suleriaqqinnissatsinni anersaaq innuttaasut qanimut suleqatigalugit, siunnerfeqatigalugit aammalu peqataatillugit ingerlateqqissavaa. Suliaqqinnissarput qilanaaraarput, suliniaqqissuugut eqqortoq siunertarlugu, suleriaqqissuugut nunatta inuinullu imminut napatissinnaasunngoriartornerup aqutissiuunneqarneranut. Suleriaqqissuugut nunatta inuilu pillugit. Suleriaqqissuugut ukiup nutaap naalernerani oqarsinnaalluta nukissavut tamaasa atorlugit, piffissarput tamaat atorlugu nunarput inuilu pillugit aamma sullisseqqippugut angusassarlu tamat peqataaffigisaat, oqartussaaqataaffigisaat aammalu inooqataaffigisinnaasaat angusimallugu angujartorlugulu misigisimalluta. Tamassuma anguneqarnissaanut Siumup innuttaasut suleqatiserai, isummersoqataaffigiumavai, tikilluaquai aammalu peqataaquai.

Siunnerfik aneq ataqqinartorlugu siunnerfiujuartigu. Nunarput inuilu imminut ataqqisut nunarsuarmioqataallutik imminut pilersortut angujumallugit sulinitssinni ukiumi nutaami peqatigiilluta angutigu. Inuit sumiikkaluartugut tamatta naligiippugut, tamatta oqartussaaqatigiipput tamatta lu akisussaaqatigiippugut. Anersaaq taanna pigalugu ukiumut nutaamut iserisa suleqatigiilluarisalu.

Pingaartippara sulisorisatta inuunerissuullutik, peqqinnartumik inuullutik aammalu nukissaqarlutit sullissinissaat soorlu inuiaqatigiinnut taamatut atugassaqaqtitsiniarluta sulinitssinni aqutissiuusseqataanissarput siunnerfiguaripput.

Siumut neriuppoq innuttaasut sumikkaluartulluunniit tamarmik piniartut, aalisartut, sulisartut, perorsaasut, ilinniartitsisut inuiaqatigiinni sullissisut utoqqaat, meeqqat inuusuttullu toqqissinartumik pilluarnartumillu ilaqutariittut sapaassuit atussagaat qamanngalu pisumik kissaassivugut ukioq nutaaq aamma taamatut anersaamik nassataqarluni atoruminartuullunilu tamanut atugassaqaqtitsiumaartoq.

Ukiortaami pilluaritsi.